

cio. Meurf. *Græc. feriat.* Apollo Lycius sonat Apollinem-Lupum. Sic ab Homero dicitur *Lycogenes*, eò quòd Latona sub specie lupæ peperit; uti dicemus, 7. April. *Quinimo in templo Delphico lupi specie Apollinis simulacrum est.* Buleng. de *Prodigijs*, cap. 35. A lupò, Lycius dictus; etsi à luce vel igne aliqui derivent nomen, eò quòd Phoroneum docuerit ignis inventionem: qua de causa illi dedicatum templum sub titulo Apollinis Lycij, id est, Igniferi, splendentis in quo statua erat Phoronei, ignem accendentis. Pausan. cap. 61. & Natal. Comes, 4. *Mytholog.* cap. 6. Lupum-Apollinem celebrant Ægyptijs; unde Lycopolis civitas, & nomus, seu Præfectura; ut observat Kircher. Tom. 1. *Oedip. Ægypt.* Syntagm. 1. cap. 5. Cur dictus Lupus & templum Argis erectum, refert Pausan. d. *Apud Argivos (ait) est nobilissimum templum Apollinis Lycij, in eo antiquissimum è ligno signum Danaus dedicavit cum ipsa ade. Cum Argos venisset, de regno cum Gelanore contendit. Postero die prima luce in bonum gregem lupus imperum fecit, & taurum gregis ducem adorsus est. Tunc Danaus Lupum ab Apolline immisum interpretatus; Apollinis Lycij adem dicavit. Idem legitur apud Chartar. pag. 42. addentem: Lycos latine Lupus: pro ade basis est, in qua incisa est tauri & lupi pugna: incisa etiam & virgo, qua lapidem in taurum mittit. Dianam eam virginem nominant.*

19. Aliter apud Sicyonios titulus exponitur. Ibi Apollinis sacellum Lycei cognomine (prodit Pausan. cap. 53.) Cognominis hujusmodi causa fuit: Cum lupi ovilia tantoperè vexarent, ut nullus jam ex illis capi fructus posset; indicavit Apollo, quo loco aridum quoddam lignum jaceret, cujus corticem carnibus permistum, cum ex eodem oraculo lupis apposuissent, illi simulatque gustaverunt, interempti sunt. Lignum quidem ipsum in ade Lycei Apollinis positum est: sed qua sit ex arbore, nec ipsi norunt. Ideò, cum Admeti fuisset pastor (ut ait Apollodor. 3. *Bibliothec. num.* 17.) semper celebrabatur Nomius; id est, custos gregis & pascuorum; & etiam dicebatur *Lycotonos*, nimirum, Lupicida. Causas excogitat in hujusmodi titulum Servius in illud Virgil. *Aeneid.* 4. v. 346. *Lycia jussere capeffere sortes, ubi: Apollo Lycius dictus, sive de Lycio, quem vicit, & victoria sua testimonium hoc nomen induit; sive quòd est Lycios à candore, idem enim & Sol creditur; sive quòd transfiguratus in lupum, cum Cyrenem concupivit; sive quòd in lupi habitu Thebanos ceciderit; sive quòd lupus ei primum post inte-*

Simulacrum Delphicum specie lupi.

Statua Phoronei.

Unde Apollodorus dicitur Lycius.

Lignum in lupos.

Apollo ab altero luporum.

remptum Pythonem, ex eo loco, qui appellatur Tempe, aurum atulit; sive quòd Pastoralis Deus lupos interemerit. In fabulis nil mirum, quòd divinentur causæ; igitur astruitur quòd quilibet cogitat.

20. Sanè Apollinis Lycij sortes apud Priscos celebratæ, & ita sacrum creditum oraculum; quòd Pindarus in *Olympic. Od.* 13. v. 154. dixerit: *Lyci ara regina.* Innuit Virgil. ut vidimus, & Propert. 3. *Eleg.* 1. v. ult. *Lycio vota probante Deo.* Festus Pompejus, litt. L. inquit: *Lycij Apollinis oraculum maxima claritatis fuit, ob luporum interfectionem.* Bulenger. de *Oracul.* cap. 38. Gyrald. Syntagm. 7. à n. 9. & Macrobr. 1. *Saturnal.* cap. 17. Ibi fons Apollini sacer, quò qui oraculum adeunt, carnes oblatas in sacrificio, devorandas offerunt; ut coram assidente sacerdote, ex illis auguria capent. Athen. lib. 11. n. 11. Pliniusque 32. cap. 2. *Lycia in fonte Apollinis, pisces ter fistula evocati, veniunt ad auguria. Diripere eos carnes objectas, lacum est consultantibus; caudis abigere, dirum.* Appositè jocus Varronis, lib. 3. cap. 13. *Hos pisciculos nemo cocus in jus vocare audeat.* Etiam refert Dalecamp. in loc. cit. Plin.

Sortes in ejus templo & oraculum.

Fons.

Pisces.

21. Postquam Xerxes subjecit Ægyptum (de quo 14. Maij) cogitavit se Duce, collectis novis selectissimisque copijs, expugnare Græciam, ulciscique dedecus, quò ejus pater Darius Hystaspis affectus tum in reditu ab expeditione Scytica, cum in pugna Marathonica: quapropter ut pervenit Sardis è Susis, præcones in Græciam misit, ut singulas quasque urbes adeant, & ignem terramque à Græcis deposcant. Diodor. Sicul. lib. 11. n. 3. Hujusmodi insolentia frequens apud Reges Persarum, ut etiam constat è sacris, *Judith.* 1. 11. pluresque ex Ethnicis referunt, ut Herodotus lib. 7. & Senec. 3. de *Ira*, cap. 20. Tunc Lacedæmones legatorum alios in fornaces miserunt, ut ignem haberent; alios in puteos demiserunt, ut haberent aquam; quòd agrè tulit Xerxes decrevitque bellum in Græciam ferro & igne: igitur additum probrum recens prioribus injurijs. Aptè Seneca d. *In hos enim quia non supinis manibus exceperant servitutem, missisque legatis libera responsa dederant (que contumeliosa Reges vocant) fremens exarsit.* Expresit articulum Diodor. d. n. 2. Ad bellum (infit) parens quoque Darius ipsi adjumento fuit, qui in magnas apparatum copias ante mortem fecerat. Is enim ad Marathonem ab Atheniensibus victus, insensum & hostilem victoribus animum habebat; sed

Xerxes decernit expeditionem in Græciam.

Spartani ejus legatos interfecerunt.

jam jam in Græciam transtrurus, morte interceptus fuit. Xerxes itaque & patris inceptu & Mardonij hortatu excitatus, Græcis bellum inferre decrevit. In copiarum naviumque instructionem triennium consumpsit post debellationem Ægyptiorum. Kalend. seu Diarium Græc. ex ipso Diodor. Sicul.

22. Alij alia & aliter autumant, maxime Herodotus referens, quò Xerxes percitus in Græciæ expeditionem (quam conceperat mente, & coacto Principum & Satraparum concilio, foverat Mardonius, ejus frater) contra sentiente Artabano Xerxis patruo: qui quidem ita discrimina percipue exposuit, ut Rex à proposito recederet, potissimè quia Deus gaudet (dicebat) eminentissima quaque deprimere. In compendium ergo redigam, quæ fusè narrat Herodot. lib. 7. à n. 5. Pericula igitur considerans Xerxes, revocavit secum & coram Satrapis sententiam. At cum nocte illa cubitum isset, & obdormiendo quiesceret; visus est in somnijs videre quemdam corpore ingenti ac specioso, qui sibi aditans increparet, quòd à prima adversus Græcos invatione reliquerat; monendo ut ire pergeret, quam interdù ire destinaverat viam: quò quidem spectrum evanuit, & Xerxes evigilans uti spectrum deperit, vel phantasiæ ludibrium.

Xerxes reprobato proposito, sed impellitur in somnijs.

Iteratur in somnium.

Etiam revelatur Artabano.

Signum.

Xerxes se ducens à damone.

modòque Regem stimulans ut totis viribus exequeretur, quæ divinitus missa & monita; utroque nesciente quo fine missa.

24. Ubi dies exitit, erectis ex visione animis & cristis, Xerxes Persis retulit, exposita simul Artabani exhortatione (qui è cunctis prius solus expeditionem dehortatus fuerat) in bellum Atticum univerfas provincias movit, ut altius profunderetur, à cacodæmone, amore proprio atque superbia seductus, continuatis genij dolis ne resipisceret. *Inveni expeditionem (infit idem, num. 9.) Xerxi tertium in somnis visum oblatum est. Illi videbatur, surculo oleagineo coronatus esse; cujus ramis universa tellus occuparetur, & mox coronâ capiti circumdata, evanescere.* Ita Magi visionem interpretati sunt; ut illicò universi Principes concilio adstantes, cupidi promissi honoris, in suam præfecturam digrederentur, ut militem conscriberent, atque delectum facerent; ut ampliore cum sonitu illorum memoria periret, uti videbimus.

Aliud est infomnium.

DIES XXX. JANUAR.

1. Grad. 10. Solis in Aquario. Infaustus, Dario. In mediastinos influit, qui vitæ brevissimæ, & laboriosæ. Ita Jul. Firmic. Matern. *Præcedens cauda Capricorni mane oritur.* Junctin. K. A. Piscium australior mane oritur. Alsted. *Encycloped.* *Idicula circa primam faciem parte sui occidere incipit. Vehemens stat Aquilo cum imbre.* Ptolom. Ab Hebræis dicitur parva Lyra (seu *Vultur cadens*) *Ingeniculati psalterium.* Kircher. de quo German. *Casar.* in *Arat.* cap. 21.

III. K.

Tempora lava premit parti. Subiecta Draconis: Summa genu subversa tenet, quæ se Lyra volvit.

Germ. Cal.

Vir stans sine capite, est hujus gradus hieroglyphicum à Sphær. Arab. Dies ultimus Mentis apud Hebræos, qui plenus, cum constet 30. dieb. Salian. & Scaliger. Speciali sacrificio tanquam Neomeniam celebrari, asserit Munster. in *Kal. fol.* 149. Unde tam prima dies, quàm trigesima Mensis celebris erat in memoriam divinæ gubernationis. Leon. Mar. in K. 30. Maij. Perfectum Vellum interius Sanctuarij in Tabernaculum erigendum, opere plumario & polymito. Rab. Jose ex *Exod.* 26. 31. & 36. 35. Trii vela pretiosa erant in Tabernaculo: primum in introitu, secundum ante sanctum, ex bysso & purpura confectum, varijque coloribus

Vellum interius perfiatur.

bus distinctum : tertium ante sancta-sanctorum ; picturatum omnis generis floribus & ornamentis , exceptis tantum animantium figuris. Joseph. 3. Antiquit. cap. 5. De Velo templi ita loquitur , 6. de Bell. cap. 6. *Ad hac autem , hoc est , Velum Babylonicum , hyacintho & bysso & cocco & purpura variatum , mirabili opere factum , neque contemplationis experts colorum permissione ; sed velut omnium rerum imaginem praeferens. Cocco enim videbatur ignem imitari , & bysso terram , & hyacintho aërem , ac mare purpura , partim quidem coloribus , bysso autem & purpura originis quoniam byssum quidem terra , mare autem purpuram genuit ; eratque in eo perscripta omnis cali ratio praeter signa. Hoc est velum , quod Assertoris N. morte scisum à iunimo usque deorsum , egrediente tunc ex adytis columbà pulcherrimā , uti ex Ephraim videbimus , 25. Mart. hocque velum post triumphum Titi , reconditum in Palatio , 11. Februar. num. 5. Vid. Adrichom. in Jerus. n. 86. Aliquid aliud & singularissimum excogitatum fuit à Rabbini : nimirum hujusmodi floridissimum velum contextum fuisse ex vellere pellicularum primi Martyris Abel : & cum futurus quis ex Synagoga martyr , sudasse sanguine ; cujus guttulas , suppositis tritici granis , Sacerdotes suscipiebant in sementem. Allegoria suffragor , uti disertus , Tom. 4. T. 7. D. 6. à n. 2. 2. Mors Moysis signatur à Toarniell. ann. 1583. num. 35. Adi 7. Februar. num. 3. Madian & Amalec , nationesque Orientales , post transitum Jordanis , pervenerunt ad vallem Jezrael : misitque Gedeon nuncios ad tribus , ut ad praelium imminens essent in procinctu. Rathi ex Judic. 6. à v. 33. Nonnulli ex eis signant conventionem Davidis & Jonathae , praemisissis sagittis : at suo loco & tempore , 30. Mart. n. 2. Hac etiam die retro annis 146. juxta Turselin. & Briet. cum pridie victoriam amisissent filij Israël , de tot millibus triumphante Benjamin , etsi injustam haberet causam ; steterunt animo retarciendi & honorem amissum , & detrimentum illatum , redauspicato certamine ; quod audacter fecerunt , maximè quia qui missi in Siluntem , ut Dominum consulere , noctu redeuntes , oraculo sacro dixerunt quam grata Numini pugna , ex qua victoria (Oraculum non dixit , Cuius) sicque sequenti die aciem direxerunt quò prius certaverant , adortique sunt filios Benjamin : qui occurrentes eis , tanta in illos caede hactati sunt ; ut decem & octo millia virorum prosternerent. Judic. 20. 25. Conster-nati sunt hujusmodi strage filij Israël , even-*

Ejus vena- stas

Columba egressa ex adytis tem- pli , ve ore- bysso in chri- sti passione.

Ex quo confestim , & quibus rutilabat miraculis?

Mors Moy- sis.

Gedeon morei de hostium in- stantia. Conventio Davidis & Jonathae.

Secur ad vi- at Benja- min exer- cium Is- rael.

tumque pugna irregularem intuentes , exer- citum totum direxerunt in Silo , ut Deum confilerent. Vide 4. Febr. n. 3. Anno Christi , 31. ejus jejuniis dies vigesimus quartus. 3. Romae Pacalia , seu Pacis celebritas. K. V. erecta arà Paci ab Augusto post victoriam Actiacam , toto orbe in pace composito , clausoque Jani templo , ut nascente Christo videretur in terra pax homini- bus , & abundantia pacis. *Frondibus Actiacis comptos redimita capillos , Pax ades , & toto mitis in orbe manes!* Ait Ovid. 1. Fastor. v. 711. quam nutricem Cereris facit , Cereremque Pacis matrem , appellat , v. 704. Victima Paci sine caede. Offerrebat inter Gracos calathus cum hordeo , corona , gladio & igne. Ara in sacris à sacrificulo ambiebat , portante canistrum , faculam extinctam , ac dicente : O veneranda ! o regina Dea , reverenda o Pax ! Domina choros facis & nuptias : accipe hac nostra sacra libamina. Aristophan. in Pax. Dramat. ultim. à v. 54. Apud Romanos cadebatur victima , sed non coram Pacis simula- cro , sed seorsim ; cujus tantum pedes offerrebantur Paci. Gyrard. Synagn. 17. n. 96. Ita intelliges , cur non lingua plaudantur , sed pedes evangelizantium pacem. Isai. 52. 7. Nahum , 1. 15. & Rom. 10. 15. Haud aliter exponendus Ovidius , dicens v. 709. *Thyrsu sacerdotes Pacalibus addite flammis : Albaque perfusa victima fronte cadat.* 4. De Pacis imaginibus plura dicemus , 11. Februar. n. 4. & 7. Quae proprior vide- tur , est foemina cornucopiam ferens , quae face succensa arma & spolia hostium comburit. Hemelar. Numismat. Tabul. 25. Hoc pacis insigne , arcum contere , arma con- fringere , & scuta igne comburere. *Religata catenis.* *Jam pridem vestro sub pede bella jacent.* Ovid. ibid. v. 701. Quiescit in pace furi- bunda Bellona , Ceretque surgit discordiae regimine extincta. Virgil. 1. Georg. à v. 505. *Quippe ubi fas versum , atque nefas , tot bella per orbem , Tam multa scelerum facies : non ullus aratro Dignus honor ; squalent abductis arva colonis , Et curvae rigidum falces constantur in enses.* Hinc pingebatur virgo , caduceum dextra & olea ramum perferens sinistra. Hemelar. d. Tabul. 6. & 23. Ne succenteret Apollo bo- bus abactis à Mercurio , hic dono dedit ei à se Lyram inventam ; ab illoque vicissim accepit virgulam : quam Mercurius tenens , cum vidisset duos dracones inter se certan- tes , in medium eorum projecit , & illico re-

Dies XXIV jejuniis Chri- sti.

Ara Pacis.

Ovid.

Victima.

Idem.

Imagines.

Idem.

Virgil.

Caduceus Mercurij.

cesserunt , unde virgula illa dicta Cadu- ceus , & cum serpentibus index pacis : quae quidem concessa Mercurio , quia pacis origo inter dracones. Hygin. lib. 2. cap. 8. Macrobr. 1. Saturnal. cap. 19. Rhodigin. lib. 21. cap. 16. Coel. Gregor. 1. Hierogl. cap. 27. Pier. Valer. lib. 15. cap. 43. & 45. Hic tamen complexus anguium (ait Plin. lib. 29. cap. 3.) & esseratum concordia , causa videretur esse ; qua- re extera Genes Caduceum in pacis argumentis , circumdata effigie anguium fecerint : neque enim cristatos esse in Caduceo mos est. Cum hasta & oliva imaginem conflavit Vespasianus , & Titus. Hemelar. Tabul. 11. & 12. Ali- quando efficta cum olivae folijs & hasta pura , tanquam Diva , & concito gressu currens. Tabul. 49. Statua ejus collocata in- ter Fortunam & Abundantiam , refert Lu- dovic. Nonn. in Asian. Goltz. Tabul. 12. Ve- niunt cuncta bona pariter cum illa. Juve- nal. Satyr. 1. v. 116. *Ut colitur Pax , atque Fides , Victoria , Virtus , Quaeque salutat crepta Concordia nido.* 5. Triumphus L. Cornel. Syllae Di- ctatoris ex Gracia , Afsia , Ponto & Mi- thridae. Reuff. Briet. ann. V. C. 673. & Goltz in Fast. fol. 175. Triumphus ejus cum magnifico sumptu , & raro aspectu regionum spo- liorum esset splendidus ; plus tamen dignitatis habuit , & pulchrius spectaculum prae- buit propter exules. Nobilissimi enim & potentissimi ci- vium , fectis redimti , currum sequebantur , ser- vatorum & parem vocantes. Omnibus conse- ctis , rerum gestarum rationes in foro edens , haud minor diligentia fortuna , quam virtutis opera recensuit : & ad extremum ob tam pros- peros evenus felicem se cognominari jussit. Ita Plutarch. in Sylla. Felix iste inter scelestos sceleratissimus , audax & procax pacien- tia subditorum , quia fortuna arrisit , dum justitia tabuit , gloriose florens inter illos , quibus infelicem feliciter vivere , expedie- bat ! Merito Seneca de Consolation. ad Mar- ciam , cap. 12. exclamat : *Hominum malis il- lius nimis secunda res constabant : non veritus invidiam Deorum , quorum illud crimen erat , Sylla tam felix. Nulla Ethnicorum historia sine fabula pipere. A fortuna felix dictus (ait Cornel. Nepos de Viris illustrib. n. 75.) cum parvulus à nutrice ferretur ; mulier obviam , Sal- ve , inquit , puer , tibi & Republicae felix. Statim quaesita quae hac dixisset , non potuit in- veniri. Triumphus , quo die sacra celebra- ta Providentiae , de quibus 26. April. & Hemelar. Aprcor. numism. Tabul. 25. pin- gitur cum fulmine. Sequitur superbos ultor à*

Pax cum Abundan- tia & For- tuna.

Juvenal.

Triumphus Syllae.

Cur felix dicitur?

Providen- tiae sacra , & imagi- nes.

tergo Deus ; ut inquit Senec. in Hercule. furent. v. 384. A Joann. Paul. Bianchi in Exequ. Isabel. Regin. pag. 55. exprimitur in foemina respi- ciente coelestem Iphæram , cujus in sinistra liber. Sub catena aurea Jovis saepe descri- bit Achilles Bocchius : igitur extremum ca- tenae , è coelo demissa vinculo circuibat foeminae collum , tenentis in manu perticam , in cujus apice caput bovis & galea pinnata. Ita Symb. 49. quae insignia etiam Patientiae uti dicemus , 19. Decembr. At Symb. 132. de- pingit Providentiam eadem catena , è coelo demissa ex qua pendebat orbis , in cujus la- tera Amalthea & Fortuna. *Stat complexa globum mundi , quem sustinet illa , Caelesti demissa manu , miranda catena.* Hac etiam die ludos Apollinares signat Ro- man. 10. Reipubl. Gentil. cap. 3. sed ridendus , dum dicit , sua atate Romae celebrari 30. Ja- nuarii , summam lætitiã , sed ritu Catholice Re- ligionis ; quasi Catholica Religio extende- retur ad ludos. 6. Sacra Cupidini inter Thespenses Boeotiae. K. G. Hac imago elaborata fuit à Praxitele , ut ait Plin. lib. 36. cap. 5. De Boeotis , inquit Pausan. cap. 305. Cupidini ludos faciunt , quibus non solum musicis homi- nibus , sed abietis etiam sua exposita premia. Imago ita celebris , ut propter illam tan- tum Thespiae viserentur. Plin. ibid. Variè de isthoc simulacro loquitur Pausanias in res Graecorum nonnunquam propensus. *Venerantur Thespenses (inquit cap. 302.) jam tum ab initio maxime Deorum omnium Cupidi- nem , cujus est signum vetustissimum , rude quod- dam saxum. Post ex arte Cupidinem elaboravit Lysippus , & ante eum ex ebore (è marmore Pentelico , Frider. Sylburg.) Praxiteles. Pri- mum omnium è sede sua Cupidinem hunc Thes- pensem amorem à Cajo , Roman. Imperator tradunt. Thespensibus deinde remissum à Clau- dio , Nero iterum Romam reportavit : ibi est igne consumptus. Eorum verò qui ejus Numen violaverant , alter à milite , qui reseram ean- dem semper per ludibrium dare solebat , est oc- ciusus : Neronis impuri ac nefarii amores satis vulgari sunt. Ridet & jurè causam Petrus Victor. 18. Var. lect. cap. 21. quasi non quo- tidie hi (subdit) atrociora muld & gravio- ra scelera ederant. Ubi signum hoccine Cu- pidinis erant Veneris & Phrynes effigies , ab ipso Praxitele elaboratae. Pausan. ibid. Causa refertur ab ipso , cap. 17. etenim cum Phryne , cujus Praxiteles amator , ab illo poposcisset ejus operum pulcherrimum ; sed ille non indicaret quodnam eximium , atq ; Phry-*

Achil. Boc.

Ludi Apol- linares.

Cupidini sacra.

Imago.

Cum Vene- re & Phry- ne.

Phryne secretum excusit: finxit officinam conflagrare, atque renunciari fecit Praxiteli; qui exanimatus, Actum est, inquit, de laboribus meis, si Satyro & Cupidini flamma non pepercerunt. Tunc Phryne opera elegantiora cognoscens, sibi delegit Cupidinem, ac in Thelpijs collocavit. Nero illum statuit in Octaviae Scholis, id est, in superiore balnei labro. Plin. d. & Dalecamp. hic, & Rhodigin. lib. 30. cap. 20.

7 Alexander Magnus, renuente milite propter frigus intolerabile, ultra flumen Hypathim progredi; praer ira iussit Regiam claudi, quod per biduum factum. Tertio die (ait Curtius lib. 9. cap. 3.) processit, erigique duodecim aras ex quadrato saxo, monumentum expeditionis suae; munimenta quoque castrorum iussit extendi, cubiliaque amplioris forma, quam pro corporum habitu, relinqui; ut speciem omnium auget, posteritati fallax miraculum praeparans. Expendimus vanitatem, Tom. 6. T. 4. n. 23. Aras quinquaginta cubitorum erant, ait Arrian. lib. 5. cap. 4. Diodor. Sicul. lib. 17. n. 95. Plutarch. in Alexandr. cap. 109. Senec. Suasor. 2. & Justin. lib. 12. n. 10. Glycas afruit, columnam statuisse, cum inscriptione: Alexander hucusque penetravit. Lucan. 3. Pharsal. v. 333.

Lucan. Hic ubi Pellaus post Thyos aquora ductor Constitit, & magno vincit se fassus ab orbe est. Plin. lib. 8. cap. 17. Hypasis (inquit) fuit Alexandri itinerum terminus: exuperato tandem aene, arisque in adversa ripa dicatis. Causam refert Bertius Beyer. segment. 8. Oraculo, a quo ibi accepit: Usquequod Alexander? Arrianus, lib. 3. cap. 3. testatur suo adhuc tempore exercitus Alexandri vestigia ac monumenta, antiqua sacella, altaria, fundamenta castrorum, & maximos puteos. Idem Solin. cap. 55. qui cap. 52. Hic (ait) tertiam Alexandriam condidit. Hic enim locus est, in quo primum a Libero Patre, post ab Hercule, deinde a Semiramides postremo etiam a Cyro ara sunt constituta: quod proximum gloria omnes duxerunt, illiusque promovisse itineris sui metas. Vid. Orosium, lib. 3. cap. 19. Blancard. & Freinshem. in loc. cit. Curt. Hac etiam die in G. K. legitur: Statua Thrasibulo Eleo vati. Meminit huius Pausan. cap. 244. sed rara ejusdem statuae insignia. Per dextrum humerum feles repit, prope canis jacet bipartito dissectus, nudato jecinore. Idem cap. 178. Sylburg. legit pro fele, Stellionem; de quo Plin. 11. cap. 26. & 29. 4. asserit scorpionibus hostem. Victoria fuit de Agide Spartanorum Rege, pro Mantinensibus pugnans, in quo cer-

Trophea Alexandri in meta expeditionis a vanitate cogitata.

Statua Thrasibulo Eleo.

tamine viderunt dimicantem Neptunum quapropter ei trophaum dedicarunt. Pausan. cap. 244.

8 In Aegypto sacra Soli, Heliopoli. Dicemus fuse ubi de ejus translatione loquamur ab Aegypto in Aisyniam, 7. Mar. Modo tantum Aegyptiam Heliopoli pompam. Vehitur simulacrum (ait Macrobius. 1. Saturnal. cap. 23.) serculo, veluti vehuntur in pompa ludorum Circensium Deorum simulacra. Subeunt plerumque Provinciae proceres, raso capite, longi tempore castimoniam puri; ferunturque divino spiritu, non suo arbitrio, sed quo Deus propellit vehentes; ut vidimus apud Antium promoveri simulacra fortunarum ad danda responsa. Obiter notandum, fortunam notari tam Antij, quam Praeneste duabus foeminarum imaginibus, haecque dici sortes, quae reddebantur & motu & voce, veridicaeque praeter caeteris oraculis habebantur. Unde in blandimen Domitiani. Martialis. lib. 5. Epigram. 1.

Seu tua veridica discunt responsa sorores. Id est, Fortuna Antiarina (ait Domit. Calderin. hic) ubi colebatur Fortuna sub duarum sororum imagine. Idem Bulenger. de Sortibus. cap. 1. Monuerunt (inquit Sueton. in Caligula. cap. 57.) & Sortes Antiarina, ut a Cassio caveret. Nata filia Neroni, decretum, ut Fortunarum Antij, quod edita in lucem, effigies aurea in solio Capitolini Jovis collocarentur. Tacit. 15. Annal. cap. 23. Ita ergo Fortuna utrobique colebatur. Cur vero sub duarum specie, sub judicio & sententia ejusque est. Fortunam Vialem nonnulli arbitrantur, alio nomine Deos Viales; quia ad illam vota pro ita & reditu: unde Fortuna Redux, uti dicemus, 12. Octobr. Alij pro duplici facie accipiunt Fortunam; quare picta vultu candido & nigro. Chartar. fol. 304. Alij Parcarn primam intellexerunt, praebentem fila fati duobus sororibus. Pausan. cap. 234. Aptius intelligitur Providentia, cujus effectus mythologicè signantur per Angeronam & Volupiam (de quibus 21. Decembr. sicut per Urnas Jovis, 26. April.) quasi e medio leporum surgat sorte amari aliquid, & econtra. Fortuna igitur uti instabilis lumina & ima miscet. Utriusque Fortunae Templum opulentissimum, afruit Porphir. in illud Horat. 1. Od. 35. v. 1. O Diva, gratum qua regis Antium. Gyrard. Synonym. 16. n. 3. & 17. & quotannis imaginam erat pompa. Sortes Praenestinae retulimus die 1. in cujus templo statua Theodori mirifici, subtilis artificis. Theodorus (inquit Plin. lib. 34. cap. 8.) qui labyrinthum

Pompa in honorem Osiridis.

Imago Fortunae.

Martialis.

Fortuna Vialis.

Duplici facie.

Providentia.

Statua Theodori singularis.

Flagellatio Aegyptiorum.

fecit Sami, ipse se ex aere fudit; praer similitudinem mirabilem famam magnae subtilitatis celebratus. Dextra limam tenet, leva tribus digitis quadrigulam tenuit, translata Praeneste, tanta parvitas; ut totam eam, currumque & aurigam inegeret alis simul facta musca.

Flagellatio Aegyptiorum.

9 Die novissimo Mensis in templo Osiridis Aegyptiorum flagellatio. K. Aegypti. Exponit Herodotus, 2. n. 18. Verberantur (inquit) post sacrificium cuncti & cunctae, multa sane hominum millia. Quo autem verberentur, non est mihi fas dicere. Praecipue hoc faciunt Cares; adeo ut gladijs quoque frontes concidant. Frequens inter illos usus, ut videbimus, 5. Februar. n. 20. & 7. Decembr. In sacris Isis Bubastae. Nihil superstitiosum in cunctis Ethnicis, quod non ab Aegyptijs. Mira embolia, ac pertinaciam in turpi patientia, videbimus in sacris Dianae Orithiae, & Faselidis, inter pueros, 13. August. inter puellas, 26. Februar. promiscue, 4. April. absque ulla lachryma. Haud tanti roboris erant Aegyptij: dolore liquefiebat cor, indice oculorum. Unde, ut ait Rhodigin. lib. 13. cap. 23. Xenophanes physicus, cum Aegyptios sese verberantes atque lugentes esset intutus; submovit clementer, ne lugere pergerent, si crederent Deos. Clarebunt quam digni supplicio, qui talia colebant Numina, in sacris Mithricis, quae initiati, ignem experiuntur, frigus tolerant, famem patiuntur, uruntur siti, per varia tormentorum genera ducuntur; ita ut quasi supra homines exuerent humanitatem, se a sensu doloris ostentantes immunes, maxime praer cruciatu dolentes; igitur tot in penis absque ulla perturbatione, immo sine commotionis indice. Elias Cretenf. in Nazianz. 3. Orat. Advers. Julian. n. 83. Bulenger. 1. de Magia, cap. 4. & alij videndi, 19. Decembr. n. 29. Idem in sacris Isis, de quo 7. D.

Initiatio ad Mithrica sacra.

Areopagus clausus.

Diana Coryphaea.

Olea.

capiens recorsit, ut esset versilis, & fieret omnibus exteris admirationi, non procul a templo Dianae Coryphaeae. Idem Pausanias, cap. 70. In templo praefatae Dianae erat Amazonum Reginae Hippolytae baltheus, quem pulcherrimum esse Eurysteus audierat, iussitque Herculem afferre, ut filiae Admetae in ornatum concederet: qui post in templo Coryphaeae locatus admirationi fuit cum olea retorta. Natal. d. Ibi collocat Pausanias, cap. 39. Hippolytae sepulchrum. Eo in loco sepulchrum dicunt, & ejus sane monumentum, Amazonici clypei formam praese ferri.

Baltheus Hippolytae.

11 Inter Aegyptios statua erecta Cheopi Regi post Rhampsinitem. Diar. Aegypti. de illo Herodot. lib. 2. n. 39. In omne flagitium fuisse prolapsum: omnibus namque eum templis obsecratis; ante omnia Aegyptijs ne sacrificarent, interdixisse. Deinde iussisse, ut in suis ipsis operibus exercerentur: alijs ut ex lapidicinis Arabici montis saxa exuperent, & illinc ad Nilum usque pertraherent: alijs ut transmissis flumine illa acciperent. Faciebant autem opus circiter decem hominum myriades. In ea via populus decem tempus trivit, quod non multo minoris operis videtur quam pyramidem extruxisse; cujus longitudo est quinque stadiorum, latitudo decem passuum. In hac decem annos fuisse consumptos, lapide polito, & animalibus insculpto; & in subterraneis edibus in tumulo supra quem pyramides stant, quas fecit sibi pro sepulchro in insula intronisso per fossam Nilo, &c. Videtis Plin. lib. 36. cap. 12. & hic Dalecamp. a Litter. 1. Diodor. Sicul. lib. 1. a. n. 43. Majol. Tom. 2. Colloq. 7. Rhodigin. 23. cap. 6. & Kircher. in Obelisk. Pamphil. histori. 8. 3. & Oedip. Aegypt. Tom. 1. cap. 9.

Cheopis Rex Aegypti.

DIES XXXI. JANUAR.

NON numeratur gradus Solis in signo propter seriem Decanorum. Tempestas ex occasu praecedentium Signorum. Columel. Ambros cum nivibus permisti cadunt. Ptolom. Sequens cauda Capricorni mane oritur. Junctin. R. A. Roma sacra Deis Penatibus, qui Patricij & Urbani dicuntur. K. V. Dixi plura ex professo Tom. 4. T. 5. a. n. 28. de Genijs, Larvis, Manibus, Penatibus, Laribus, alijsque demonibus. De Laribus Urbanis, agemus, 1. Maij, n. 6. alijsque diebus: sic igitur appellabantur, quia Urbium Custodes, Praefites, vel Praefides. De quibus in praesentiarum, dicuntur.

Prid. K.

Dij Lares & Penates.